



COMUNE DE PÀDRIA

DELIBERATZIONE DE SU CONSÌGIU COMUNALE N. 42 DE SU 25/11/2022

OGETU: APROVATZIONE ISCHEMA DE CONVENTZIONE TRA SU COMUNE DE CÙLLIERI, SU COMUNE DE POTUVIGARI E SU COMUNE DE PÀDRIA PRO S'ESERTZÌTZIU IN FORMA ASSOTZIADA DE SAS FUNTZIONES DE SEGRETÀRIU COMUNALE.

S'annu duamìgia e bintichimbe sa die bintichimbe de su mese de Santandria a sas 17.00, AULA CONSILIARE, a pustis de avisu de cunvocatzione regulare, chi cuntenet puru s'elencu de sas cosas de trattare, notificadu a sos Consigeris in càrriga de su Comune, publicadu a s'albu pretòriu de su Comune matessi in sos tèrmines de lege, s'est reunidu in sessione ordinària pùblica in prima cunvocatzione, su Consìgiu Comunale, de su cale a s'apellu resurtant:

:

SAMBENADU E NÙMENE	PRESENTE
DUT.RE MURA ALESSANDRO	EMMO
MARICA MATTEO SALVATORE	EMMO
DETTORI GIUSEPPA ANGELA	--
CONTU DANILO	--
PIRAS ANGELO	EMMO
DOMINICI SANTO	EMMO
MANCA ALESSANDRA	--
SERRA ANTONIO	EMMO
MASCIA ANGELA RITA	EMMO
Presentes n°6 Ausentes n°3	

Partètzipat su SEGRETÀRIU COMUNALE DUT. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e deccarat aberta sa setziada pro trattare de s'ogetu giutu torra in subra.

SU CONSÌGIU COMUNALE

Bidu su puntu 7 a s'òrdine de sos traballos de sa setziada de oe (òrdine de sos traballos in agiunta);

Premìtidu chi sa Segreteria Comunale de Pàdria est vacante a decùrrere dae su 11/07/2017;

Ammentadu chi s'art. 7, comma 31-su de tres de su d.l. n. 78/2010, gasi comente mudadu dae sa lege de mudadura 30 de trìulas de su 2010, n. 122, at apostivigadu sa sopressione de s'Agèntzia Autònoma pro sa Gestione de s'Albo de sos Segretàrios Comunales e Provintziales e sa sutzessione a tìtulu universale de su Ministèriu de s'Internu;

Recramados:

- s'art. 10 de su D.P.R. n. 465/1997 e s'art. 30 de su D. Lgs. 18.08.2000 n. 267 e mm.ii.ii., chi previdint sa possibilidade pro sos Comunes de stipulare conventziones pro su servìtziu de segretèria comunale, puru in s'àmbitu de acordos prus ampros pro s'esertìtziu assotziadu de funtziones e servìtzios comunales;
- s'art. 98, comma 3, de su D.lgs. n. 267/2000 e mm.ii.ii., chi apostivigat chi sos comunes podent stipulare conventziones pro s'ufitziu de segretàriu comunale, comunichende sa costituzione avènnida a s'Agèntzia, como Prefetura;
- s'art. 16-su de tres, comma 11, de su decretu-lege 30 de nadale de su 2019, n. 162, mudadu cun modificatziones, in sa lege de su 28 de freàrgiu de su 2020, n. 8, cun su cale est istadu aprovalu su critèriu nou de classificatzione de sas sedes de Segretèria conventzionadas, in base a su cale sa classe de Segretèria de sas conventziones prevididas dae s'art.98, comma 3, de su Testu Ùnicu de su cale a su decretu legislativu 18 de austu de su 2000, n. 267, est determinada dae sa summa de sos abitanes de totu sos Comunes conventzionados;
- su Decretu de su Ministèriu de s'Internu de su 21 de santugaine de su 2020 chi giughet "Modalidade e disciplina a sa minuda pro s'aplicatzione de sos critèrios noos de classificatzione relativos a sas conventziones pro s'ufitziu de Segretàriu Comunale e Provintziale", publicadu in sa *Gazzetta Ufficiale* - Sèrie Generale N. 297 de su 30/11/2020;
- sa Tzirculare de su Ministru de s'Internu- Dipartimentu pro sos Afares Internos e Territoriales-Albu Natzionale de sos Segretàrios Comunales e Provintziales - Prot. N. 14449 de su 01/12/2020, chi at pro ogetu "Disciplina noa de sas conventziones pro s'Ufitziu de Segretàriu Comunale e Provintziale. Decretu de su Ministru de s'Internu de su 21 de santugaine de su 2020";
- Sa Tzirculare de sa Prefetura de Casteddu, Ufitziu Territoriale de su Governu, ex Agèntzia pro

sa gestione de s'Albu de sos Segretàrios Comunales e provintziales, prot. n. 7586 (P) de su 03.02.2014, chi disciplinat sas modalidades de conventzionamentu tra sedes de segreteria de cumpetèntzia de sa Setzione Sardigna de s'albu de sos Segretàrios Comunales e Provintziales;

Evidenziadu chi s'artìculu 12-bis de su decretu lege 27 de ghennàrgiu de su 2022, n. 4, mudadu cun mudaduras dae sa lege 28 de martzu de su 2022, n. 25, at definidu sos critèrios e sas modalidades pro s'atribuzione a sos segretàrios comunales de sa fàscia professionale "C", sa titularidade in sede s'ingulas o conventzionadas, tra sos 3.001 e sos 5000 abitanter, cun su reconnoschimentu de su tratamentu econòmicu prevididu pro sa sede superiore, pro sustènnere sos entes locales in s'acumprida de sos obietivos prevididos dae su Pianu Natzionale de *ripresa e resilienza* (PNRR),

Considerada s'intenzione, a fora de su Comune de Pàdria, puru de sos Comunes de Cùllieri e de Potivigari, de costituire una sede ùnica de segreteria comunale tra sos matessi in ue su Comune de Cùllieri siat a cabu de sa conventzione;

Reconnotu chi a su 31.12.2021:

- su Comune de Cùllieri contaiat una popolazione residente de n. 2502 abitanter;
- su Comune de Potivigari contaiat una popolazione residente de n. 690 abitanter;
- su Comune de Pàdria contaiat una popolazione residente de n. 605 abitanter;

Pretzisadu chi sa forma de gestione assotziada de su Servìtziu de segreteria costituit unu percursu pro s'acumprida concreta de sos printzìpios de efitzièntzia, efitzidade, economitzidade e semplificatzione de s'atzione amministrativa e satisfaghet sas esigèntzias de sos tres entes e permitit, garantende s'acumprida curreta de s'atzione amministrativa, una minimadura de sos custos a càrrigu de onni ente;

Àpidu presente chi s'art. 99 de su D.Lgs. n. 267/2000 e mm.ii.ii. atribuit a su Sindigu de s'Ente, cabu de sa conventzione, sa nòmina e sa rèveca de su segretàriu comunale, bastat chi bi siat un'acordu cun su Sindigu de sos entes locales assotziados;

Bidu s'ischema de conventzione, formadu dae n. 7 artìculos, allegadu sub a) a custa deliberatzione de sa cale costituit parte integrante e sustanziale e cunsideradu su matessi de meritare s'aprovatzione;

Averiguadu chi:

- cunforma a s'art 2, comma 2, de su mentovadu Decretu 21 de santugaine de su 2020, sa nòmina

de su Segretàriu de sa cunventzione at a èssere apostivigada dae su Sìndigu de su Comune de Cùllieri, chi at sa classificazione prus arta tra sos Entes in cunventzione e chi, duncas, tale Comune leat su ruolu de Ente cabufila; sos istitutos giurìdicos e econòmicos ligados a s'acumprida de su raportu de servìtziu de su Segretàriu Comunale ant a èssere aplicados dae s'Ente cabufila, aende presente chi sos gastos complessivos de sa retribuzione ant a èssere partzidos gasi comente sighit:

a) Comune de Cùllieri: 33,34 % (12 oras a chida);

b) Comune de Pàdria: 33,33% (12 oras a chida);

c) Comune de Potuvigari: 33,33 % (12 oras a chida);

- Pro su respetu de sos valores limites de sos cales a s'art. 33, comma 2, de su decretu-lege 30 de aprile de su 2019, n. 34, mudadu cun modificatziones dae sa lege 28 de trìulas de su 2019, n. 58, onni Comune contat in s'ispesa de personale sa cuota a càrrigu suo;
- sa cunventzione at a dèvere èssere trasmitida a s'Albu Regionale de sos Segretàrios Comunales e Provìntziales de Casteddu, pro su reconnoschimentu, netzessàriu pro sa classificatzione de sa sede de sa Segretèria cunventzionada e pro sa verìfica in cabu a su sugetu sebestadu dae s'ente cabufila, de su possu de sos rechisidos prevìdidos dae sa contrattazione colletiva;
- **Reconnota** sa cumpetèntzia pròpia cunforma a sas dispositziones normative, istatutàrias e regulamentares in vigèntzia;

Achisidos in antis subra de sa proposta de deliberatzione sos parres a favore in òrdine a sa regularidade tècnica e contàbile espressados dae su Responsàbile de s'Àrea econòmicu-finanziària, cunforma a s'art. 49, comma 1, de su decretu legislativo 18 de austu de su 2000, n. 267 e mm.ii e ii.;

Riferidu chi, subra de sa matessi proposta, est istadu fatu, con èsitu a favore, su controllu de regularidade amministrativa a incuru de su Segretàriu comunale;

Intesu s'interventu de su Sìndigu, acrarat sos tèrmines de cunventzione pro s'esertìtziu in forma assotziada de s'Ufitziu de segretèria comunale. No essende-bi interbentos, invitat sos Consigeris a aprovare sa proposta de deliberatzione.

Protzèdidu a votazione, pro artziada de manu, cun votazione de sos presentes totu a favore;

DELÌBERAT

De fàghere pròpias sas premissas narrative e motivatzionales a custu dispositivu chi inoghe sunt torradas a giùghere a manera integrale;

De approvare s'ischema de Conventzione tra sos Comunes de Cùllieri, Potuvigari e Pàdria pro s'esertzìtiu in forma assotziada de sas funtziones de segretàriu comunale, allegadu a sa presente deliberatzione sub a), pro nde fàghere parte integrante e sustanziale.

De reconnòschere chi sa Conventzione de segreteria:

- At a durare finas a su 31/12/2025;
- posca de s'istitpulatione, at a èssere trasmitida a incuru de su Comune de Cùllieri a sa Prefetura de Casteddu, umpare a s'àtera documentazione netzessària;
- presuponet chi sos Comunes in cunventzione no apant numenadu unu Segretàriu comunale titolare;
- costituit una sede noa de segreteria comunale, sa titularidade de sa cale tocat de ufiziu a su Segretàriu comunale titolare de su Comune de Cùllieri, chi at totu sos rechisdos prevididos dae sa lege;
- at a diventare eficatze a manera giuridica solu dae sa prima die de intrada efetiva in servìtiu de su Segretàriu comunale titolare de sa sede noa de segreteria comunale.

De affidare a su Sìndigu sa sutascritzione de sa Conventzione de sa cale semus tratende, chi at decurrèntzia dae su reconnoschimentu de sa matessi dae parte de sa Prefetura de Casteddu – ex Sezione Regionale de s'Agentzia Autònoma pro sa gestione de s'Albu de sos Segretàrios Comunales e Provintziales;

De decrarare, in fines, cun àtera votatzione a favore de sos presentes totu de acordu, custa deliberatzione luego esecutàbile bida s'urgèntzia de nd'assegurare su perfetzionamentu de sas finalidades suas.

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **24/11/2022** at espressadu parre a **FAVORE**

PARRE DE REGULARIDADE CONTÀBILE

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **24/11/2022** at espressadu parre a **FAVORE**

SU SÌNDIGU
DUT. MURA ALESSANDRO

SU SEGRETÀRIU COMUNALE
DUT. CARTA GIANCARLO

NOTA DE PUBLICATZIONE N. 936

Cunforma a s'art. 124 de su T.U. 267/2000 su Responsàbile de sa Publicatzione **SEGRETÀRIU COMUNALE DUT.CARTA GIANCARLO** atestat chi in data 25/11/2022 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia.

Còpia digitale de documentu informàticu firmadu e produidu cunforma a su D.Lgs 82/2005 e normas cullegadas respetivas